



Zajednička komisija za nadzor nad radom  
Obavještajno-sigurnosne agencije Bosne i Hercegovine  
Zajedničko povjerenstvo za nadzor nad radom  
Obavještajno-sigurnosne agencije Bosne i Hercegovine

Зједничка комисија за надзор над радом  
Обавјештајно-безбједносне агенције Босне и Херцеговине

Broj: 03/2-50-3-113/09  
Sarajevo, 28. 4. 2009. godine

## **IZVJEŠTAJ**

### **o posjeti Komisije Ministarstvu sigurnosti BiH**

Članovi Zajedničke komisije za nadzor nad radom Obavještajno-sigurnosne agencije BiH su, u skladu s Planom rada za 2009. godinu, 19. februara 2009., posjetili Ministarstvo sigurnosti BiH.

Članove Komisije primio je Tarik Sadović, ministar sigurnosti BiH sa saradnicima: Edinom Jahićom, šefom Kabineta ministra, Munibom Isakovićem, šefom Odjela za propise i dozvole, Mujom Rančićem, stručnim saradnikom, i Irinom Neuman, višim referentom za evidenciju.

U delegaciji Komisije bili su:

1. Mirko Okolić, predsjedavajući
2. Hazim Rančić, član
3. Zoran Koprivica, član
4. Slavko Jovičić, član
5. Sadka Đonko, sekretar
6. Predrag Nikolić, stručni savjetnik i
7. Sajda Dizdarević, stručni saradnik.

Predsjedavajući Mirko Okolić upoznao je prisutne da je Planom rada Komisije u 2009. godini predviđena ova posjeta. Istakao je da je saradnja Ministarstva sigurnosti BiH i Komisije u proteklom periodu bila dobra i da je i ubuduće treba nastaviti. Ova saradnja je neophodna imajući u vidu da je Komisija nadležna da provodi nadzor nad primjenom Zakona o zaštiti tajnih podataka na svim nivoima vlasti, a Ministarstvo sigurnosti BiH, uz ostalo, prati provođenje ovog zakona.

Ministar sigurnosti BiH Tarik Sadović izrazio je zadovoljstvo posjetom članova Komisije. Istakao je da su zaposleni u Ministarstvu iznijeli ogroman teret dok nije formiran Sektor za zaštitu tajnih podataka. Njegovim ustrojem Ministarstvo je osposobljeno za izvršavanje složenih zadataka kao Državni sigurnosni organ. To se, prije svega, odnosi na izradu i donošenje pravnih propisa u skladu sa Zakonom o zaštiti tajnih podataka. Također, završene su sve pripreme prostorija za Sektor za zaštitu tajnih podataka. Ovaj sektor je opremljen u skladu s najvišim standardima NATO-a. To se, prije svega, odnosi na uređenje Centralnog registra za zaštitu tajnih podataka. Što se tiče kadrovske popunjenosti, Sektor još uvijek nije popunjen prema sistematizaciji radnih mjesta. U Sektoru za zaštitu tajnih podataka zaposleni su osposobljeni za obavljanje zadataka a i međuljudski odnosi su dobri. Zaposleni u Sektoru bili su obuhvaćeni twinning projektom edukacije i posjetama nekim institucijama drugih država s ciljem sticanja znanja i iskustava. Twinning projekat edukacije

i opremanja Sektora realizirala je Republika Mađarska. Ministar se zahvalio na ovoj pomoći R Mađarskoj i izrazio želju za nastavkom ovog programa. Naglasio je potrebu stalne edukacije zaposlenih u Ministarstvu imajući u vidu obaveze koja Bosna i Hercegovina treba da ispuni u pogledu zaštite tajnih podataka prije priključenja NATO-u i ulaska u EU.

S ciljem praćenja provođenja Zakona o zaštiti tajnih podataka, Sektor je preduzeo aktivnosti na cijeloj teritoriji Bosne i Hercegovine posjetom određenim institucijama. Naglasio je da saradnja s Komisijom treba da bude kontinuirana a ovom ministarstvu je potrebna podrška Komisije a sve s ciljem podizanja ukupne sigurnosti u BiH na viši nivo. Nakon toga prezentiran je rad Ministarstva.

Nakon prezentacije, članovi Komisije istakli su da je Sektor za zaštitu tajnih podataka Ministarstva sigurnosti BiH jedan od najuspješnijih službi. Potrebno ga je promovirati kako bi javnost bila upoznata s njegovim radom i postignutim rezultatima. S tim u vezi to će biti i priznanje zaposlenima da zadate poslove obavljaju još bolje.

**Predsjedavajući Komisije  
mr. Mirko Okolić**